

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Gebri Arabis Chimia

Geber

Lugduni Batavorum, 1668

De natura Saturni. Cap. XI

[urn:nbn:de:bsz:31-95581](#)

dulitate operis , donec per eam principia
iporum corporum & proprietatem spiri-
tuum inveniant, inventione certa non con-
jecturali, quam tradimus in hoc nostro vo-
lumine sufficenter ad artis exigentiam.

De natura Saturni.

C A P . X I .

R ESTAT nos igitur de Saturno descri-
ptionem ponere : & dicimus , quod
non diversificatur illius essentia & natura
à Jove, nisi quia immundiorum habet sub-
stantiam à diabibus substantiis grossioribus
commixtam , sulphure scilicet & argento
vivo. Et quia sulphur in illo comburens,
est suæ argenti vivi substantiæ magis ad-
hæsivum quam in Jove, & quod plus habet
de substantia sulphuris fixi in sua com-
mixtione quam Jupiter. Horum autem ra-
tiones per experientias manifestas adduce-
mus. Quod igitur ipsum sit majoris ter-
reitatis & feculentia quam Jupiter, mani-
festatur per visum , & per lavationem ejus
cum argento vivo : in hoc , quod plus per
lavacrum emanat feculentia terrestris ab
eo quam à Jove. Item quia primum gra-
dum calcinationis suscipit facilius quam
Jupiter ; quod est signum multæ terreitatis
in eo. Nam corpora pluris terreitatis, faci-
lioris invenimus calcinationis , & terreita-

G tis

tis paucæ , difficilioris calcinationis. Et
hujus est probatio, difficillima Solis calci-
natio completa. Et quia non rectificatur
emendaturve ejus foeditas per calcinatio-
nis & reductionis reiterationem sicut in
Jove : quod est signum majoris foeditatis
in principiis ejus ex natura sua quam Jo-
vis. Quod vero sulphuris quantitas com-
buſtibilis magis sit argenti vivi substantiæ
adhæſiva in eo quam in Jove , significatur
per hoc , quod non separatur de eo in fu-
minum quantitas notanda , quin sit citrini
coloris multæ citrinitatis ; cuius signum si-
militer est , quod in fundo inferiori ex eo re-
mansit ; quod signum utiq; est quod in pro-
fundo suæ substantiæ in radice creationis
multum unitū est. Necessario igitur unius
trium horum esse signum relinquitur ; aut
nullius quantitatis sulphuris combustibilis
in eo , aut paucissimæ , aut multum conjun-
ctæ cum sulphure fixo in radice suæ com-
mixtionis. Sed certificati sumus per illius
odorem , ipsum alicujus esse quantitatis &
non paucæ ; imo multæ : quia non reno-
vetur ab eo odor sulphureitatis in brevi
tempore. Ideo consideravimus considera-
tione vera , qua certi sumus , sulphur illius
comburens sulphuri non comburenti & ad
naturam fixi approximanti cum sui argen-
ti vivi substantia uniformiter esse commi-
xtum & unitum. Ideo cum scandit fumus
eius,

ejus, necessario cum sulphure non comburente scandit : de cuius proprietate est cunctitatem creare. Quod vero major quantitas sulphuris non adurentis sit in ipso quam in Jove, à nobis adductum est cum veritate : per hoc quod videimus totum colorum ipsius in citrinum mutari, Jovis vero in album in calcibus suis præparatis. Et ideo in hoc nobis aperta est via investigationis hujus operis per quod in calcinatione mutatur Jupiter facilius in durum quam Saturnus : non autem in tardatione liquefactionis velocius mutatur Jupiter quam Saturnus. Et illud ideo, quoniam causam duricie plus Saturnus quam Jupiter possidet. Causa vero velocis liquefactionis est duplex ; argentum vivum scilicet, & sulphur non fixum : quorum alterum ad fusionis perfectionem sufficit in unoquoque gradu cum ignitione certa, & etiam sine ignitione, scilicet argentum vivum. Quia igitur in Jove est multa argenti vivi quantitas non bene fixi, remanet in illo multa liquefactionis velocitas, & non removetur ab illo faciliter. Causa vero molliciei similiter est duplex ; argentum scilicet vivum non fixum, & sulphur combustibile. Quia igitur removetur sulphuris superfuitas combustiva ex Jove facilius quam ex Saturno, ideo ex eo altera causam molliciei remota, necesse est illud in-

durari celerius. Saturnus verò utrasque molliciei causas fortiter habet conjunctas, ideoque non facilè induratur. Est tamen diversitas in mollicie per argentum vivum, & mollicie per sulphur combustibile. Quoniam mollicies causata per sulphur combustibile est frangibilis vel cessiva: mollicies verò per argentum vivum non fixum causata, extensiva est. Et hoc necessario probatur per hoc quod videamus corpora inultæ quantitatis argenti vivi, multæ extensionis esse: corpora verò pauci, paucæ. Quare Jupiter facilius & subtilius extenditur quam Saturnus: Saturnus facilius quam Venus: Venus quam Mars: Luna subtilius quam Jupiter: Sol verò quam Luna subtilius. Patet igitur quod causa induratio-
nis est argentum vivum fixum, & sulphur fixum. Causa verò molliciei est oppositum. Causa verò fusionis est duplex; scilicet sulphur non fixum & argentum vivum cujuscunque generis. Sed sulphur non fixum necessario est causa fusionis sine ignitione. Et manifestè vides hujus rei experientiam per projectionem arsenici super corpora difficilis fusionis. Facit enim ea facilis fusionis, & sine ignitione. Causa verò fusionis facilis est similiter argentum vivum non fixum. Causa verò fusionis cum ignitione est argentum vivum fixum. Sed causa impedimenti fusionis cujuscun-
que

que est sulphur fixum. Per hoc itaq; maximum poteris elicere secretum : Quoniam cum plurimæ argenti vivi quantitatis corpora maximè sint perfectionis inventa ; pluris igitur quantitatis argenti vivi corpora à perfectione diminuta, magis perfectioni approximare necesse est. Itaque & multæ sulphureitatis corpora , plurimæ corruptionis esse contingit. Quamobrem igitur ex jam dictis patet Jove in maxime perfecto approximare ; cum perfectionis, scilicet argenti vivi plus participet. Saturnum vero minus : minus vero adhuc Venereim : minimè vero Martem , quantum ex causa perfectionis dependet. Aliter autem cum medicina perficiente , & defecatum supplente, & ad profundum corporis attenuante, & fuscedinem & turpitudinem illorum palliante & temperante , & fulgorum adducente , se corpora imperfecta habere contingit. Ex hac enim maximè perfectibilis Venus exitit : minus vero Mars : adhuc minus Jupiter : minimè vero Saturnus. Ex his igitur repertum est laboris investigatione veridica, ex corporum diversitate diversas inveniri cum præparatione medicinas. Alia enim medicina eget durum ignibile : alia vero molle & non ignibile corpus. Hoc quidem mollificante & ad profundum attenuante : illud vero induante , & ad profundum inspissante , &

fusionem cum ignitione adducente. Ex his igitur nos expedit ad medicinas transire, cum manifestis experientiis diversarum ponentibus nobis medicinarum causas inventionis; & quid diminutum relinquant; & quid ad complementum ducant.

De Medicinis in genere.

C A P . X I I .

Probavimus igitur ex meis sermonibus spiritus corporibus magis assimilari & inniri, per hoc quod videimus eos magis corporibus amicabilia quam aliqua alia in natura. Per hoc enim adductum est nobis inventione veridica hos spiritus esse corporum alterationis medicinam veram. Ideoque omni quo potuimus ingeniorum modo, nos ipsos exercuimus; ut per illos imperfectorum unumquodque corporum mutatione firma & vera, in perfectum lunare & solare transformemus corpus. Quamobrem ex iam dictis spiritibus medicinam diversam ex diversa alterandorum intentione, creari necesse accidit. Cum sint igitur duplicis generis alterabilia; scilicet argentum vivum perfectione coagulabile, & a perfectione diminuta corpora, & haec quidem multiplicia. Alia quidem durignibilia: alia vero mollia non ignibilia. Dura quidem ignibilia, ut Mars & Venus: mollia